

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» հունիսի 2014թ.

N-----Ա

ՈՐՈՇՈՒՄ

**ՌԱՖԻԿ ԿԱՐԱՊԵՏՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**- րդ կետը՝

Երևան քաղաքի ավագանին որոշում է.

Տալ համաձայնություն գեներալ-մայոր Ռաֆիկ Կարապետյանի հիշատակը հավերժացնող հուշատախտակն Արմվյան փողոցի հ. **26** հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ - ՀԻՄՆԱՎՈՐՈՒՄ

«ՌԱՖԻԿ ԿԱՐԱՊԵՏՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Գեներալ-մայոր Ռաֆիկ Կարապետյանը ծնվել է **1923** թվականին Սիսիանի Բնունիս գյուղում: Յոթնամյա կրթությունն ստացել է տեղի դպրոցում, այնուհետև տեղափոխվել է Թիֆլիս և ստացել միջնակարգ կրթություն: **1942**թ. երկարուղային ինժեներական ինստիտուտում ուսումը կիսատ թողնելով՝ զորակոչվել է բանակ: Ծառայության ընթացքում ավարտել է Թելավի ռազմական ուսումնարանը:

Ռաֆիկ Կարապետյանն ակտիվ մասնակցություն է ունեցել հակատանկային գենքի մասնազետների պատրաստման գործում, որպես ուսումնական դասակի հրամանատար: Անցնելով զինվորական ծառայության բոլոր փուլերը՝ դասակի, վաշտի, գումարտակի հրամանատար, շտաբի պետ և մոտոհրաձգային գնդի հրամանատար, Ռաֆիկ Կարապետյանը ձեռք է բերել ռազմական հարուստ փորձ և հրամանատարական հմտություններ:

1984թ. նշանակվել է «Հայաստանի ԴՕՍԱԱՖ» հանրապետական կոմիտեի նախագահ: **2001-2005**թթ. ղեկավարել է «Մարշալ Բադրամյան» հայրենասիրական հասարակական կազմակերպությունը: **2004**թ. նշանակվել է «ՀՀ վետերանների միավորում» միության նախագահ:

Ռաֆիկ Կարապետյանը պարգևատրվել է «Հայրենական պատերազմի», «Կարմիր աստղի», «Աշխատանքային Կարմիր դրոշի» շքանշաններով, **30** մեդալով, պատվոգրերով և շնորհակալագրերով, ընտրվել է նաև ՀԽՍՀ Գերագույն խորհրդի պատգամավոր: Եղել է ՀՀ ՊՆ բարձրագույն սպայակազմի հանձնաժողովի անդամ և Ռուսաստանի հասարակական գիտությունների ակադեմիայի ակադեմիկոս:

Ռաֆիկ Կարապետյանի հիշատակը հավերժացնող հուշատախտակը Երևան քաղաքի Աբովյան փողոցի հ. **26** հասցեում փակցնելու վերաբերյալ միջնորդություններ են ներկայացվել «ՀՀ վետերանների միավորում» հասարակական կազմակերպության խորհրդի նախագահ, գնդապետ Ս. Եսայանի, «Հայաստանի ԴՕՍԱԱՖ» համահայկական հայրենասիրական հասարակական կազմակերպության նախագահ, գեներալ-մայոր Ա. Թադևոսյանի և ՀՀ ՊՆ առընթեր բարձրագույն սպայակազմի հանձնաժողովի նախագահ, գեներալ-մայոր Վ. Հայրապետյանի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՌԱՖԻԿ ԿԱՐԱՊԵՏՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՍ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ռաֆիկ Կարապետյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ՌԱՖԻԿ ԿԱՐԱՊԵՏՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/
ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ռաֆիկ Կարապետյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ